

COSTA LINDA TIN SU GERENCIA FORMA CABA

ORANJESTAD (AAN): Un di e hotelnan cu pronto lo habri su portanan ta Costa Linda. Mientras cu ainda falta algun luna pa e habri oficialmente, ya caba nan a busca varios hefe pa e diferente departamentonan.

E sistema di Sun Development ta pa busca personal profesional di gerencia y duna nan un "pre-training" prome cu nan hotelnan habri. Esaki ta sigura e operacion di mas suave posible for di comenzo.

Tur ocho hefe di departamento ta Arubiano y ta multilingual. "Nos ta hopi contento cu Costa Linda por cuminsa su operacion cu un equipo di profesional ccu conoce e isla asina bon," Astrid Muller a bisa.

Akinan DIARIO ta presenta e nombenan di esnan cu lo bay forma e equipo di gerencia di Costa Linda.

Lisette M. Adonis ta Executive Housekeeper. E tabata traha antes na The Mill Resort. Lisette tin experiencia tambe cu organizacionnan sin fines di lucro na Hulanda.

Bernardo Croes ta Room Division Manager. E tin diez aña di experiencia den gerencia di hotel na Aruba, y lo mas recien tabata resort manager di Caribbean Palm Village. E ta entrena den varios fase di gerencia, plus accounting y conocimiento di business machine.

Johannes C. Croeze ta Chief Engineer. Johannes ta bini for di Sonesta Hotel, unda e tabata director di ingenieria. E tin 25 aña di experiencia den e ramo di hotel y petroquimico.

Juan I. Kock ta Personnel Manager. E ta bini di Aruba Beach Club. El a ricibi su

entrenamento na Hulanda y tin experiencia adicional di hotel na Paradise Beach Villas.

Elvis Lacle ta EDP Manager. Elvis a sigui varios curso di hardware y software pa computer na Merca, como tambe na Aruba y Curaçao. E ta bon entrena den automatizacion di oficina como tambe programacion, operacion di systema, y computer science.

Pearl C. Peters ta Financial Controller. Pearls tin un B.S. den Accounting logra na Long Island University, y tin diez aña di experiencia hotelero, y den e ultimo dos añanan a traha como un consehero di accounting, primordialmente den e area metropolitano di New York.

Maureen A. Suarez ta Reservations Manager. Maureen tabata un otro empleado di Sun Development, y ta bini di Playa Linda unda e tabata Asst. Reservations Manager. E tin bon relacion cu huespednan y hopi experiencia di front desk na Aruba Concorde y Manchebo Beach.

Costa Linda mes lo habri pa negoshi dia 1 di November 1991, cu huespednan yegando entrante 3 Januari 1992. E hotel lo ser completa dia 1 di Maart 1992.

Muller a anota: "E construccion di Costa Linda tabata riba schedule for di comienzo. Costa Linda ta na tempo, bon na calidad, y net riba e beach."

Riba e potret por mira sinta Pearl Peters, Astrid Muller, y Lisette Adonis. Para por mira Elvis Lacle, Juan Kock, Maureen Suarez, Johannes Croeze, y Bernardo Croes.

